

## **ურნალისტიკა, თურისპრუდენცია**

### **შორენა გაბოშვილი**

#### **მასობრივი პომუნიკაციის მოდელირების საგითხმაი მეზიაზემოქმედების პროცესი**

მასობრივი კომუნიკაციის მოდელირების საკითხი თანამედროვე მასკომუნიკაციური მეცნიერების ერთ-ერთი აქტუალური საკვლევი თემაა, რომლის საშუალებით შესაძლებელია კომუნიკაციის აბსტრაქტულ პროცესს გრაფიკული სახე მიენიჭოს და გამოავლინოს მედიაზემოქმედების თავისებურებები, მსგავსებები და განსხვავებები მის სხვადასხვა ფორმებს შორის. კომუნიკაციის სფეროში მოდელირება რომ პოპულარული პრობლემაა, თავად მოდელების რაოდენობა მეტყველებს. ბოლო კვლევების მიხედვით, მათმა რიცხვმა ასეს გადააჭარბა. მიუხედავად მრავალრიცხონობისა და მრავალასპექტიანი განმარტებებისა, თითოეული მათგანი ერთი ჰქემარიტებიდან ამოდის და დაფუძნებულია ინფორმაციის გაცვლის პროცესზე, კომუნიკატორისა და რეციპიენტის ურთიერთობაზე.

მასობრივი კომუნიკაციის მოდელირების პირველ მცდელობას (მის მიერ შემოთავაზებული სქემა ყველა შემდეგ მოდელშია გათვალისწინებული) არის ტორენტების მიაწერენ.

„დიდი ბერძენი ფილოსოფოსი, რომელიც განიხილავდა ორატორსა და აუდიტორიას შორის ურთიერთმოქმედების მქანიზმს კომუნიკაციის წარმოადგენდა როგორც ერთ მიმართულებიან დინამიკურ პროცესს, რომლის მსვლელობაშიც ორატორი ისწრაფოდა ზემოქმედება მოეხდინა აუდიტორიის ქცევაზე და მდგომარეობაზე“ (სურგულაძე, 2003: 67).

აღნიშნულმა საკითხებმა მკვლევართა ყურადღება მეოცე საუკუნის 20-იანი წლებიდან მიიყრო და აქედან მოყოლებული, პოლემიკისა და განსილვის საგანია.

მკვლევართა ერთი ნაწილი მიუთითებდა, რომ საზოგადოების პოლიტიკური ცნობიერება და ქცევა დამოკიდებული იყო საინფორმაციო ველზე (მაგალითად, ლიპშანი და მისი თეორიული მხარდამჭერები: გერბნერი, გეიგერი და ა. შ). ისინი ამტკიცებდნენ, რომ მედია აუდიტორიას არა მარტო აწვდიდა ინფორმაციას, არამედ ტოტალურად მართავდა საზოგადოებრივ

აზრს და აუდიტორია ნებისმიერ ინფორმაციას იღებდა ერთ-მნიშვნელოვნად. მეორენი (ხოვლენი, ლაზერფელდი, ბერელ-სონი და ა.შ.) მედიის საზოგადოებაში გაფართოებული მნიშვნელობის დამკვიდრების შესახებ საუბრობდნენ. არგუმენტებად კი უამრავი მაგალითი მოჰყავდათ, რომლითაც ამტკიცებდნენ, რომ შეტყობინება აუდიტორიაზე ზემოქმედებისათვის საქმარისი საშუალება იყო.

„პირველ სტადიაზე (მე-20 საუკუნის 50-იანი წლების მეორე ნახევრამდე) კომუნიკაციის ძირითად მიზნად აღიარებული იყო რეციპიენტების სოციალური განწყობების, აზრების, შეხედულებების, წარმოდგენების შეცვლა გარკვეული სახით ორგანიზებული შეტყობინებებისა და კომუნიკატორების ქცევის მეშეგებით“ (სურგულაძე, 2003: 68).

ამ პერიოდისათვის, მაშინ როდესაც ერთადერთი მედიასა-შუალება პრესა იყო, მკვლევარები ერთ-ერთ მნიშვნელოვნა მოდელად ხაზოვნა, ანუ საბაზო მოდელს გამოყოფნენ, რომლის მთავარი პოსტულატი ზემოქმედების პროცესში პროპაგანდის მნიშვნელობის განსაზღვრა იყო, ისინი „სტიმული-რეაქციის“ პრინციპით ხელმძღვანელობდნენ. ამ პერიოდს გაუთვის „ჯადოსნური ტყვიისა“ და „შპრიცის“ თეორიებიც, რომელთა მიხედვით „მასობრივი კომუნიკაციის საშუალებათა შეტყობინებები ერთნაირად აღიქმება აუდიტორიის ყველა წევრის მიერ და იწვევს გარდაუვალ, დაუყოვნებლივ და უშუალო რეაქციას.“

განვითარების შემდეგ ეტაპზე, მაშინ, როდესაც ინფორმაციაზე გაზრდილმა მოთხოვნამ ახალი მედიასაშუალება - რადიო წარმოშვა, მკვლევარმა შენონ უივერმა XX საუკუნის 40-იან წლებში ერთ-ერთმა პირველმა შეიმუშავა მოდელი, რომლის მიხედვით ინფორმაცია გადამცემის მიერ იქცევა სიგნალად და მიეწოდება აუდიტორიას. მან ეს ყველაფერი, ერთი შეხედვით, მარტივ სქემად წარმოადგინა:

„ინფორმაციის წყარო – მიმწოდებელი – სიგნალი – გადამცემი – მიმღები“ (ბრაიანები, 2004: 25).

ადსანიშნავია ის ფაქტი, რომ მოგვიანებით ამ სქემამ საკითხით დაინტერესებულ პირთათვის განსაკუთრებული მნიშვნელობა შეიძინა და ერთგვარ საყრდენადაც გადაიქცა. მეცნიერებმა მედიაზემოქმედების პროცესში კიდევ რამდენიმე მნიშვნელოვნან კომპონენტს მიაქციეს ყურადღება: ტექნიკურს,

რომელიც დაკაგშირებულია სიმბოლოების გადაცემასთან; სე-  
მანჩიკურს, რომელსაც სიმბოლოები ზუსტად მიაქვს ადრესა-  
ტამდე და პრაგმატიკულს, რომელიც ზემოქმედებას ახდენს  
რეციპიენტის ქცევასა და განწყობებზე.

ეს ტენდენცია ცნობილი მეცნიერის პაროლდ დასსუელის  
კვლევებშიც გრძელდება. მან ბევრი საკითხი სოციოლოგიისა  
და ფსიქოლოგიის დახმარებით ამოხსნა. მისმა კომუნიკაციურ-  
მა მოდელმა საბოლოოდ მიიღო დასახელდება „კომუნიკაციის  
სოციოლინგვისტური მოდელი“, მისი აზრით, ინფორმაცია,  
რომელიც ადრესაგს მიეწოდება, უნდა პასუხობდეს კითხვებზე:  
ვინ გადასცემს, რას გადასცემს, როგორ გადასცემს, ვის გა-  
დასცემს და რა ევექტით. ამ მოდელის ხარვეზები გამოსწორ-  
და ტრანზაქტიულ მოდელში.

ტრანზაქტიულ მოდელში მედიაზემოქმედების მთავარ ფაქ-  
ტორად აღიარებულია შეტყობინების თვისებები და მომხმა-  
რებლის ფსიქოლოგიური ორიენტაცია. აქ მთავარია სამი გან-  
ცალკებული პროცესი: შეტყობინების ფორმულირება, შე-  
ტყობინების ინტერპრეტაცია და ინფორმაციის გაცვლა; ამავე  
დროს ნაჩვენებია ამ პროცესების ურთიერთდამოკიდებულებაც.

ადნიშნულმა მოდელებმა გარკვეულწილად აღწერეს მე-  
დიაზემოქმედების პროცესი, მაგრამ ვერ შეძლეს გაეანალიზე-  
ბინათ და პასუხი გაეცათ შემდეგ კითხვებზე: რას ცვლის მა-  
სობრივი კომუნიკაცია აუდიტორიის ხასიათსა და ქცევაში,  
როგორ და რა გზით განახორციელებს ამ მნიშვნელოვან მი-  
სიას მედიასაშუალებები?

კვლევის შემდეგ ეტაპზე, რომელიც გასული საუკუნის 70-  
იანი წლებიდან დაიწყო, გამოიკვეთა ის მოდელები, რომლებიც  
კონკრეტულად მედიისა და აუდიტორიის ურთიერთობას შეის-  
წავლიან. შეიმუშავეს მედიაზემოქმედების სხვადასხვა ვარიან-  
ტები, რომელთა უმთავრესი მიზანი მდგრმარეობდა იმაში, რომ  
ხაზი გაესვათ იმ მიგნებებისათვის, როგორ შეიძლებოდა გა-  
მოგვეყნებინა მედია საზოგადოებრივი მინებისათვის.

თანამედროვე მასობრივი კომუნიკაციის სისტემაში, ამ  
კუთხით გამოყოფენ მოდელირების ორი სახის მიღებობას: ადა-  
მიანზე ორიენტირებულსა და მედიაორიენტირებულს.

ადამიანზე ორიენტირებული მოდგრმა ემსრობა „მინიმა-  
ლური ეფექტის მოდელს“. მისი „ძირითადი იდეა“ „სოციალუ-  
რი კონსტრუქტივიზმი“, „სოციალური რეალობის კონსტრუი-  
რების“ ოეორია. ხალხი სწრაფად ეთვისება მასობრივი ინ-

ფორმაციის საშუალებებს და იყენებს მას თავისი სურვილის მიხედვით. მისი იდეოლოგები ამტკიცებდნენ, რომ ადამიანები შერჩევით იღებენ ინფორმაციას. ისინი ირჩევენ ინფორმაციის იმ ნაწილს, რომელიც მათ აზრს ემთხვევა, და უარყოფენ მას, რომელიც მათ აზრს არ ემთხვევა. ამ მიმდინარეობის ერთ-ერთი კონცეფციაა ნოელ-ნოიმანის „დუმილის სპირალი“ (ბაკულევი, 2005: 6).

მასობრივი კომუნიკაციის მედიაორიენტირებული მიღგომა დაფუძნებულია იმაზე, რომ ადამიანები ემორჩილებიან მასობრივი კომუნიკაციის საშუალებებს, რადგან ზემოქმედება ნარკოდამოკიდებულებას ჰგავს, რომელსაც ვერ შეეწინააღმდეგები. დ. მაქუეილმა პირველმა მიაქცია კურადღება მასობრივი კომუნიკაციის საშუალებების, განსაკუთრებით კი ტელევიზიის ძალას ზემოქმედების პროცესში. მან დაასკვნა, რომ ინფორმაცია, რომელიც გადაიცემა ინფორმაციის სხვადასხვა საშუალებებით, თავად არის ზემოქმედების იარაღი. მან დაადგინა, რომ ცალკეულ პიროვნებათა შენტალურ თავისტურებებს მედიაკომუნიკაციური ზემოქმედების პროცესში განსაკუთრებული მნიშვნელობა ენიჭება.

სოციალურ დონეზე განხორციელებული მედიაზემოქმედების მოდელის მიხედვით კი წინა პლანზე წამოიწია მედიისა და აუდიტორიის ურთიერთობის საკითხებმა:

„ინდივიდებისა და მასობრივი ინფორმაციის საშუალებების დამოკიდებულების ხარისხი მჭიდროდაა დაკავშირებული საზოგადოების სტაბილურობა-დესტაბილიზაციასა და სოციალური საჭიროების ხარისხზე, რომელიც მინიჭებული აქვს მასმედიას, როგორც ინფორმაციის წყაროს“ (ბრაიანები..., 2004: 29.).

ანუ, ეს მოდელი პირდაპირ აანალიზებდა მედიაზემოქმედების თავისებურებებს, რომელიც გარკვეულწილად დამოკიდებული იყო აუდიტორიის პიროვნეულ და ფსიქოლოგიურ მახასიათებლებზე. აგრეთვე, მკვლევარები ალაპარაკდნენ მედიამიჯაჭვულობაზე, მედიის აუდიტორიაში დომინანტურ როლზე, რაც განსაკუთრებით თვალში საცემია საზოგადოებრივი კრიზების დროს. მაშინ როდესაც პრესა, ტელევიზია, რადიო და ინტერნები ერთადერთი საშუალებაა ცნობისმოყვარეობის დაქმაყოფილებისა და პირადი კომფორტის შესაქნელად. ამ დროს აუდიტორიაში ინფორმაციული შიმშილი პიქს აღწევს, „ახალი ამბები“ კი რეიტინგების მაქსიმუმს ითვლის. ამის მა-

გალითად საქმარისია გავიხსენოთ ბევრი ცნობილი საერთაშორისო თუ ლოკალური კრიზისული მოვლენა, რომელმაც მაქსიმალურად დაატვირთავა აუდიტორია. (მაგ.: პრინცესა დიანას მკვლელობა, „ტყუპების“ ავეთქება, 2012 წლის „ციხის კადრები“, „შარლი ჰებდომა“ და გიუმრის ამბები).

ამრიგად, როგორც დავინახეთ, მედიაზემოქმედების გასაანალიზებლად, მასობრივი კომუნიკაციის მოდელების განხილვა მეტად მნიშვნელოვანი დეტალია. ამიტომ ჩვენ შევეცადეთ, რომ მათი დიდი რაოდენობიდან რამდენიმე არსებითი მოდელი ერთ ჩარჩოში მოგვაწვია. ყველა ნორმატიულ თეორიას, რომლებზეც ზემოთ ვისაუბრეთ, ერთი ნაკლი აერთიანებთ – მათში წარმოდგენილი თვალსაზრისები ძალიან ზოგადი ხასიათისაა და თანამედროვე მედიის ზემოქმედების გაანალიზებისას ბევრი კითხვა რჩება უპასუხოდ. ამიტომ, აუცილებელია, შეიქმნას ულტრათანამედროვე მასობრივი ინფორმაციის საშუალებების ფუნქციონირების ისეთი სოციალური მოდელი, რომელიც შეძლებს გლობალიზაციისა და ტექნოლოგიური პროგრესის დანერგვის პირობებში წარმოქმნილი ახალი პრობლემების გადაჭრასა და გაანალიზებას. ახალი მოდელი უნდა ითვალისწინებდეს ყველა თანამედროვე ტრანსნაციონალურ თუ ზენაციონალურ მოთხოვნას.

### გამოყენებული ლიტერატურა:

კოვაჩი... 2006: კოვაჩი ბ., როზენსტილი ტ. ურნალისტიკის ელემენტები, თბ., 2006.

სურგულაძე, იბერი, 2003: სურგულაძე რ., იბერი გ. მასობრივი კომუნიკაცია, თბ., 2003.

ბლუმერი, 1953: Blumer H. The Mass, the Public, and Public Opinion. Reader in Public Opinion and Communication / ed. by B. Berelson, M. Janowitz. N.Y., 1953.

ბრაიანგი, 2004: Брайант Д., Томпсон С. Основы воздействия СМИ Санкт-Петербург · Киев. 2004.

ფისკ, 1997: Fiske J. Introduction to Communication Studies. London and New York, 1997.

<http://media.utmn.ru/library.php?book=1117>

ბაკულევი, 2005: Бакулов Г. П. Массовая коммуникация: западные теории и концепции, М.: Аспект Пресс, 2005.

## **THE IMPACT OF MASS COMMUNICATION MEDIA AND MODELING ISSUES**

### *Summary*

The article presents the basic models of mass communication. The article pays special attention to the issues related to the change in the status of an audience of mass communication. These models are specially designed to develop the effective communication between sender and receiver. Also they find factors which affect the communication process.